

新纂雲南通志

第六函
第十冊

新纂雲南通志卷六十九目錄

方言考四

白文二

名物類

動作類

助語類

雜類

白文古音解

附劍川白文考說

附白文卽白言解

附白蠻卽白子解

附緬文亦通白文解

附儒宗解

附爹字解

附陽蘇波解

附覲幡希博解

附

附

附

白文二

式有表四

海島雲山蘇志卷六十八目錄

新纂雲南通志卷六十九

方言考四

白文二

名物類

書卷曰書冊 書束於切冊差厄切說文書者如也注謂如其事物之狀也古者用竹木大事書之於籒小事簡牘后山叢談古書皆卷而唐始有葉子今僞書冊又白文僞契約曰書契易繫辭上古結繩而治後世聖人易之以書契白文音皆不譌 考蔣善國所

著中國文字源始及其構造一書謂較結繩稍進之紀事方法則爲質契或信簽九家易曰夬者決也取百官以治職萬民以契明其事蓋書白書契自契而易結繩以書契與造字了無干涉惟學

者多以書契與文字相混重其書而忽其契以爲伏羲造字而不知契在書先也 又羅振玉殷商貞卜文字攷籀字卜辭皆作𠂔古今文畧同無從竹者并錄之

筆曰弗 弗分勿切說文毛者聿也亦謂之不律亦謂之弗亦謂之聿所以畫者也爾雅釋器不律謂之筆注蜀人呼筆爲不律也蓋楚謂之聿吳蜀謂之不律燕謂之弗皆一語而聲與字各異白文偁弗本燕語也而音近賦

硯曰聚墨 聚絕羽切墨暮効切陸游詩古研微窪聚墨多白文蓋本此他處不多見俟再考

撫字曰臨書 臨離淫切晉書王逸少臨池學書池水盡墨昌黎詩紙是臨池後分從起草餘白文音不譌

楷字曰眞書 法書苑晉世以來工書者多以行書著名兼眞者謂之眞行帶草者謂之行草蘇詩眞書小低猶抗行又細書千紙雜眞行白文音譌近正書

稱曰權 權渠員切孟子權然後知輕重又謹權量白文音不譌皮曰革 革歌厄切說文獸皮治去其毛曰革革更也引伸爲更新之用周禮以法式頒皮革於百工左傳如杞梓皮革自楚往也史記大宛列傳畫革旁行爲書記白文音不譌

口袋曰囊 囊難昂切史記韓信傳信夜使人以萬餘囊盛沙壅水上流平原君傳錐處囊中其末立見白文音不譌

竹筐曰簣 簣巨位切又庫怪切尙書旅獒功虧一簣疏云織竹爲器所以盛土白文近庫怪切

篋籬曰篋 篋府尾切說文器倂竹匱漢書作棐應劭曰棐竹器也

與匪同逸周書實元黃於匪白文音不譌

罐曰鍑 鍑火立反漢書李廣傳不擊刁斗自衛蘇林曰形如鍑無緣白文音不譌

背負曰簠 漢書韋賢傳遺子黃金滿簠不如一經蔡謨曰滿簠者言其多也如淳謂之竹器非也案蔡說是滿簠猶言滿一背也白文音不譌

鋏曰鋏 漢書尹翁歸傳極者至以鋏自剄而死顏師古曰鋏斫莖刀也白文音不譌其他謂斧曰鑕謂鉋曰鋏音皆不譌

箕曰簸米箕 簸補火切米蜜禮切箕吉衣切詩維南有箕不可以簸揚白文音近波母箕

飯甑底曰簋箕基

簋居洧切說文黍稷方器也考周禮舍人注曰

方曰簋圓曰簠鄭注云簋圓簠方又考工記陶人爲甑甑瓦器也

今世甑多以竹木爲之無用瓦者而猶呼之爲甑名與實不相符

也白文稱甑曰簋簋爲圓體與舍人注圓曰簋合音讀若委亦與

居洧切近其製以竹木爲之與簋字形義亦符故愚意甑即古簋

簋之簋也算必至切說文蔽也所以蔽甑底注蒸飯之器底有七

穿必以竹席蔽之米乃不漏雷公泡炙論云常用之甑中算能淡

鹽味哀江南賦云敝算不能捄鹽池之鹹基說文牆始築也爾雅

初哉首基合而名之曰簋箕基音皆不謬又吾友順德蔡守發

掘東山貓兒岡漢紉報告書其論陶簋云說文簋黍稷圓器也簋

黍稷方器也周禮舍人凡祭祀共簋簠鄭注方曰簋圓曰簠兩說

互異金錫齡釋簠簋論之甚詳且所見簠之鑄銘本名曰簠者皆方無圖可證鄭注是而許說非吾粵發見明器未嘗見有簠此特有之亦可證其爲王者之冢也蔡氏說與予合并錄之

五穀去芒末曰𥽿 𥽿初𦰩切說文小春也注小春謂稍春之白文音近揣

火曰燬 燬許偉切說文火也釋文曰燬音毀齊人謂火曰燬白文音近平聲

筭曰箸 箸逐御切曲禮謂之挾禮記飯黍毋以箸商紂紀彼爲象箸必爲玉杯史記留侯傳請借箸爲君籌之白文音近上聲

水開曰沸 沸付畏切後漢書猶以小雪投沸湯王子年拾遺記蓬萊有沸水飲者千歲物理學謂流質受熱至發氣泡時爲沸白文

音稍譌

卵壞曰鰾 鰾渡玩切說文卵不孚也淮南子鳥卵不鰾呂氏春秋

雞卵鰾白文音稍譌

物舊曰故 故古誤切說文故使爲之也墨子經上故所得而後成也古詩故衣誰當補又故人雖故昔經新白文音不譌

銀錢曰財賄 賄火腿反音悔財昨哉切周禮天官大宰以九賦斂財賄左傳凡而器用財賄無置於許 又白文有餘錢曰賢財賢

賄賢胡田切說文多財也注賢本多財之偁引伸之凡多皆曰賢詩小雅我從事獨賢投壺某賢於某若干純言多也 又白文偁

財曰貝說文貝海介蟲也古者貨貝而寶龜貝博介切音皆不譌

蠱刺人曰螫 螫詩益切說文蟲行毒也詩莫予荇蜂自求辛螫漢

書魏其傳有如兩宮螯將軍一作爽白文音稍譌

門杙曰門樞 樞出紆反說文戶樞也注所以轉動開閉之樞機也

莊子戶樞不蠹白文音不譌

門坎曰門闕 闕音械爾雅闕門限曲禮不履闕又牀第之言不踰

闕白文音不甚譌

馬曰鞍馬 鞍阿干切馬姥雅切杜詩國初以來畫鞍馬又遙知簇

鞍馬白文多兼併鞍馬音不譌

器模曰鎔 鎔余龍切音容說文鑄器之模型也漢書上之化下下

之從上猶金之在鎔白文僞爲鎔子音不譌

欠帳曰負債 債滓隘切與責同周禮小宰聽稱責以傳別稱責即

今之舉債漢書鄧通家尙負債數鉅萬白文音皆近平聲

私蓄曰私房 私塞支切房扶亡切北周書所得俸祿不入私房白

文不譌

動植物繁盛曰𣎵 𣎵子入切音蟄說文𣎵𣎵盛也汝南名蠶盛曰

𣎵白文音不譌

舌食曰𣎵 𣎵神旨切說文以舌取食也白文音不譌

物蒙首曰囊頭 囊難昂切頭度侯切後漢書范滂傳滂等皆三木

囊頭暴於階下白文音不譌

獄曰牢戶 牢勒豪切戶胡五切漢書死填牢戶焦氏易林牢戶之

冤脫兔無患白文音不譌

挑曰擔 擔德庵切俗作擔說文何也與荷同韋昭齊語注背曰負

肩曰擔貨殖傳漿千擔白文音不譌

繩索曰徽 徽呼威切說文三股曰徽兩股曰纆易係用徽纆太史公書其次徽纆索揚子雲文免於徽索又樂器絃曰徽絃昌黎詩有琴具徽絃白文音不譌

剪刀曰劑刀 劑即隨切爾雅劑剪齊也郭注南方人呼剪刀爲劑刀白文音不譌

承魚具曰筍 筍注與苟同詩毋發我筍注以竹具承梁之空而取魚也莊子鉤餌筍網之智多則魚亂於澤也白文音不譌

大椀曰盞 盞北末切音撥程大昌演繁露孟食器若盞而大白文音不譌

大釜曰鬻 音岑大釜也从鬲𠂔聲白文譌近稱或曰鬻措玩反左傳敝邑易子以食析骸以爨注炊鼎也似釜亦可謂之鬻其說亦

通鬻鬻音相近姑兩存之

小兒剪髮爲髻曰髻

髻音舊詩髻彼兩髦注髮垂兒蓋以髮兩綰

下垂至肩像嬰兒夾凶之角髮下垂父母在不失其嬰兒之素也

白文音近黨

鳥獸窠曰窟

窟枯忽切國語狡兔有三窟郭景純詩京華豪俠窟

白文音不譌

犁頭曰基鎡

鎡固玩切音貫田器也自江而南呼犁刀爲鎡見爾

雅釋樂疏引字林孟子雖有鎡基不如待時鎡基田器耒耜之屬

漢書作茲基玉篇作鎡鎡白文倂基鎡者蓋合爾雅孟子玉篇而

名之也音不甚譌

田多少曰幾稜

稜勒恆切又勒鄧切農人指田多少曰幾稜白文

稜音近登

賭錢曰塞簿 塞先代切說文行棊相塞謂之塞注格五見吾丘壽

王傳劉德曰格五棊行塞法曰塞自乘五至五格不行故云格五
簿補各切說文戲局也六箸十二棊也注古戲今不得其實莊子
問臧奚事則挾筴讀書問穀奚事則博塞而娛博塞即塞簿也白
文音近在八

馬牛羊之圈曰圉 圉音牛呂反漢書圉圉空虛四十餘年蔡邕章
句曰圉牢也所以止出入此圉圉爲守禦之通稱後乃專以名獄
耳白文音不譌

馬轡頭曰羈 羈古漪切說文馬落頭也一作絡左傳臣負羈綬從

君行於天下莊子貫以羈韁曹植詩白馬黃金羈白文音稍譌

篋巴曰葭薄 葭基鴉切薄步𠮟切詩八月萑葦注即兼葭也言八月萑葦既成之後而收蓄之以爲來歲治蠶之曲薄也史記周勃世家勃以治曲薄爲生白文蓋渾括詩注稱爲葭薄也音不甚謬炙脂與青蒿以將迎鬼神曰脂火 漢書禮樂志云炳膾蕭延四方李奇曰膾腸間脂也蕭青蒿也白文火讀爲燬爾雅釋言燬火也五穀曰五種 漢書食貨志云種穀必雜五種以備災害顏師古曰謂黍稷麻麥豆也白文音稍謬

有稜曰觚圓曰圜 觚攻乎切音孤角也又方也圜于權切周禮冬官考工記輿人爲車圜者中規方者中矩太史公書漢興破觚而爲圜白文音不謬

冀塘曰園塘 園七情切音清急就篇曰園與清通說文廁清也古

謂之清者言污穢常常清除也史記萬石君傳取親中裙廁踰身自浣滌注建自洗蕩廁竇廁竇瀉除穢惡之穴也孟康曰廁行清竅行中受糞者也白文指糞爲圓故挑糞謂之儋圓音近去聲
大倉曰大窖 窖音工孝反前漢書蘇武傳單于愈益欲降之迺幽武置大窖中師古曰舊米粟之窖而空其中者也白文音不甚譌貼金曰契金 漢書食貨志云又造契刀錯刀契刀其環如大錢身形如刀長二寸文曰契刀五百錯刀以黃金錯其文曰一刀直五千案契刀之制正文不言其質若何諸家亦無注私意契刀者蓋以黃金塗刀故其直低於金錯刀也白子文謂貼金爲契金音讀若恰故疑契刀爲塗金刀也

棧曰槌

槌音其偃反漢書溝洫志是時東郡燒草以故柴薪少而